

КРИТЕРІЯ НА УДІЛЬОВАННЯ НАЦІОНАЛНОЇ ПРЕМІИ ЗА РУСИНЬСЬКИЙ КУМШТ СВІТОВОЇ РАДИ РУСИНІВ І РУСИНЬСЬКОЇ САМОСПРАВИ МІСТА ВАЦ ПІД МЕНОМ ИВАНА МАНАЙЛА „PRO ARTE RUTHENORUM”

Сполочна Премія Світової Ради Русинів і Русиньської Самосправи міста Вац (Мадярско) – під меном Івана МАНАЙЛА „Pro Arte Ruthenorum” – представує моцний мотивачный фактор на дорозі ґу презентованю русиньского / руснацкого / лемковского умелецтва ку розвою вкупних условії про напредованя витварного кумшта у країнах у котрых жиють Русини и по цілому світови.

Премія ся уділює тым визнамним сочасним русинським художникам ушитких видув витварного кумшта, котрі своим умільським добытком изробили міморядни выслідкы у захраненя, розвой і напредовані, як і за міморядны успіхы на полі презентованя і творительства русиньской / руснацкой / лемковской умелецкой творчости у шытких аспектах.

Кождый жадавучый з цілого світа має право предкласти пригласку на номінацію.

Премія позоставать из ґравірованого кришталного трофея із подобов Івана МАНАЙЛА, написом „Pro Arte Ruthenorum” и меном награжденного Лауреата в русиньскім языку, памнятного діплама и матеріалнуй пудпору умільського діятельства Лауреата у формі художных матеріалув (на суму 200 000 Форинтув).

Зготовліня трофея и діплама, а также матеріалну пудпору забезпечує Русиньска Самосправа міста Вац (Мадярско). Уділёваня премії реалізує ся ведно із Світовоу Радов Русинів у конгресных роках на Світовому Конгресі Русинів, і на Біенале лемківской русиньской культури у Криніці у міджіконгресных роках.

1 Назва премії

Премія ся уділює як: РУСИНЬСКА НАЦІОНАЛНА ПРЕМІЯ ЗА РУСИНЬСЬКИЙ КУМШТ ИМЕНИ ИВАНА МАНАЙЛА „PRO ARTE RUTHENORUM” за визнамні почіны досягнути на ниві захраненя, розвой і популаризації русиньского витварного кумшта по світови.

2 Далшы правила

Лауреат мусить быти прислушник Карпато-русиньского народа, або его репрезентант и отвічати утвердженім критеріям Премії.

У керетох церемонії уділёваня, Лауреат має представити выставу своїх творчих робут.

3 Крітерія

Годночіня досягнутих вислідків ся посудить подля слідуючіх ПЯТЬ основных крітерії – котрі треба заповняти у Приглашці – з максімалным можным одержаным чіслом до 1000 бодів:

- Творчий доробок кандідата на лауреата / творчое кредо / фотографіи работ (*фотографіи работ ся подають окремов прилогов до приглашки*) (400 бодів)
- Успіхи, оцініня, чісло художньых выстав і други явны вислідки за роботу у творчости кандідата на лауреата (200 бодів)
- Період - час художньої работы кандідата на лауреата (100 бодів)
- Вплив работы кандідата у цілости, дотыкаючі ся на заміряню область вытварного кумшта Карпаторусиньского народа (200 боди)
- Другі особні аспекти діятелности кандідата на лауреата, дотыкаючі ся на пропаґацію и розвой Русинської културы по світови (100 боди)

Офіціалну форму приглашки скачайте туй: <https://www.manajlo-ivan.com/pro-arte-ruthenorum-award>

4 Предкладаня приглашок на конкурс

Право предкладаня приглашок учашників в конкурсї на Русиньску Націналну Премію за Русиньский Кумшт під меном Ивана Манайла „Pro Arte Ruthenorum” має любы жадавучый з цілого світа – як індивідуал, так и орґанізація.

На каждорочный конкурс мож предкладати вецей приглашок. Кождый рук на Конкурс мож предкладати приглашки на того істого художника – єднотливця неогранічено вецей раз.

Електронна пошта для предкладаня приглашок и фотографій работ: proarteruthenorum@gmail.com

Крайный термін предкладаня приглашок кождый рук ся указує у выголошенї конкурса на Премію на веб-сторонці: <https://www.manajlo-ivan.com/pro-arte-ruthenorum-award> и у других мас-медія.

5 Процес оціньованя

Шыткы засланы приглашки на кандідатів ся перевіряють Тайомником Світовой Ради Русинів и членамы Журі на Русиньску Націналну Премію за Русиньский Кумшт під меном Ивана Манайла „Pro Arte Ruthenorum”.

У склад Журі входять Члены Конґресной комісії про Културу и Андрій Манайло – як приглашений постоянный председа Журі.

Позад Крайнього терміна предкладаня приглашок, члены Журі приступавуть ку процесу оціньованя – годночіня дорученых приглашок подля правил і крітерії про уділюваня в пункті 3. Журі проїднать шыткы доручены приглашки і закінчіть ся перше, або основне оціньованя - конкурз. На тот спосіб ся утворить вислідкова листина кандідатів, затверджена председом Журі. На заверечне оціньованя ся кваліфікують два кандідаты котры на першім оціньованю zdobyли найвецей бодів. Комісія іщі раз оцінять кандідатів і тот котрый zdobyв вецей бодів, є лауреат Премії під меном Ивана Манайла „Pro Arte Ruthenorum”. В припадї потреби голосованя переведе ся верейне голосованя.

Рішення із вислідку конкурзу о лауреатові Премії Івана Манайла, председа Журі перешле председові Світової Ради Русинів, Тайомникови Світової Ради Русинів и председові Русиньской Самосправи міста Вац (Мадярско) на дефінітивне схваліня.

Термін заверечного рішення о Лауреатові не годен боти пuzнійшим ги за 30 днуб до вручення Премії, так жебы Лауреат мав достаточный час прийти на Світовый Конгрес Русинів из выставов своих творчих робут і участвоваті у роботі Конгреса як гость Председу Світової Ради Русинів. У міджіконгреснім році терміны на подаваня пригласшок про оціньованя і на выглашованя лауреата оставають такы істы, а Премія ся уділіть на меджінародні маніфестації "Біенале лемківской-русиньской культуры" у Криніці.

Кождый предкладач, котрый подав пригласшку до Конкурсу на Премію достане писомну справу із здоводніньом о результатах оціньованя.

Про транспарентність, членські організації Світового Конгресу Русинів годни запросити од Конгресной комісії про Культуру результаты оціньованя за шыткых кандидатів.

6 Удільованя премії

Премію уділює Русиньска Самосправа міста Вац і Світова Рада Русинів на основі предкладаня Журі.

Удільованя Премії Івана Манайла „Pro Arte Ruthenorum” буде перебігаті слідуючо: в конгреснім періоді на славностні події Світового Конгресу Русинів – председом Світової Ради Русинів и председом Русиньской Самосправи міста Вац, доведна из председом Журі; а у міджіконгреснім році – на міджінародні маніфестації "Біенале лемківской – русиньской культуры" у Криніці, де ей тыж уділять і председа Стоварішнія Лемків.



SVETOVÝ KONGRES RUSÍNŮV
Hlavná 50, 080 01 Prešov
СВІТОВЫЙ КОНГРЕС РУСИНІВ
Главна 50, 080 01 Пряшів

Др. Степан Лявинец
председа Світової Ради Русинів



Андрея Ілько
председа Русиньскої Самосправи міста Вац (Мадярско)